

東續華錄

嘉慶三十七

臣王先謙敬編

臣周潤蕃恭校

嘉慶十九年甲戌春正月丙寅諭上年逆匪突入禁門時恍惚之中望見 關帝神像畏懼奔竄本日又據那彥成奏當滑縣克復之時賊匪於黑夜拌命突圍官兵施放槍箭未能真切忽城旁廟宇自行起火照同白晝官兵兩路夾擊始將賊匪截回悉數殄除事定後乃知城旁廟宇供有 關帝神像廟雖焚毀 神像歸然獨存毫無損動等語此次逆匪滋事屢荷 關帝靈爽翊衛實深寅感著該衙門於原定封號敬擬加封二字進呈候朕酌定通頒直省用答 神庥其滑縣廟宇俟重修落成之日該撫再行奏請朕御書扁額敬謹懸挂尋加封仁勇二字並頒滑縣廟宇 御書

扁額○己已諭前據侍郎吳璥請開捐例當交戶部覈議具奏茲據潘世恩蘇楞額議請暫開捐例廬蔭溥桂芳趙秉冲議請常例推廣加增托津因甫經回京二摺俱未列名推廣常例事多格礙難行暫開捐例能否於經費有裨或於此二議外別有良策可裕國用著派曹振鏞托津鐵保英和四人再行妥議具奏尋議上得旨前據吳璥奏開捐例朕以捐例本非善政恐無實濟而徒滋流弊特交戶部覈議嗣經部臣兩議奏上其請推廣常行事例者既窒礙難行其請暫開捐例者亦未能確計其足裨國用因再降諭旨派曹振鏞托津鐵保英和四人另行妥議旋據英和單銜具奏極言捐例之弊而其所陳裕國之策一請仍復名糧之舊一請多開礦廠名糧一節前已飭查覈辦若開礦流弊滋多亦不可行本日據曹振鏞等三人議上仍以暫開捐例爲請見在軍需河工各

項動用均出常年經費之外國家度支有常實不能不豫爲籌備
斯時旣別無善策姑照所請暫開豫東事例著各該部會同妥議
條款具奏此朕萬不得已之舉非以捐例爲必可行也諸臣食君
之祿皆當忠君之事除此大曾經交議者無庸再行瀆奏外其餘
各大臣果有真知灼見能爲裕國之策者必須字字確切毫無流
弊不准泛作紙上空談仍犯議論多而收功少之病如確有把握
立能濟軍需河工之用奏上時朕採取施行即將捐例停止若止
言捐例之弊而別無良謀其言皆朕所稔知無庸虛陳奏牘也○
庚午諭軍機大臣等同與等奏山東軍需已支用者七十餘萬尚
有各州縣應行拔領之項統計約須百萬懇請一槩無庸報銷在
通省地方官養廉內攤捐分十年歸款等語所辦非是此次賊匪
滋事山東省曹定一帶雖有勦捕事宜但官兵在本境勦賊供支

有限如京營吉林黑龍江勁旅以及陝甘他省官兵皆未到境何至軍需用項計有百萬之多此必局員等濫支濫應漫無搏節因恐報銷致干飭駁遂倡爲通省捐廉之說無所稽察以便浮開冒混不思國家辦理軍需例應作正開銷部臣句稽考覈應准應駁皆有一定準則豈容臣下博捐輸之名而轉遂其冒濫之實所奏不准行該撫卽督率局員速將軍需支款按照定例覈實報部毋任絲毫浮冒○甲戌 上廷訊牛亮臣馮克善磔於市○丙子諭軍機大臣等長齡等奏連日痛勦賊匪孳獲僞軍師僞先鋒及催兵分路進勦緣由一摺南山匪徒烏合之衆不早撲滅一經蔓延各處完善之區遭其蹂躪勞師糜餉其患豈可勝言著勒限於正月底二月初一律辦竣不准遲逾此時辦理之法先須顧平定原勿令出山焚劫尤不可令其竄入老林惟當四面堵截使賊所向

輒窮我兵皆新勝之師勇氣百倍又吉林黑龍江勁旅一可當百
必能計日戴功見在萬五一股經吳廷剛節次痛勦賸有數百人
遁往太白山陳四尤九一股向甯陝一帶奔竄祝廷彪帶兵由子
午谷向西截擊麻大旗劉二一股千餘人竄往隴州楊遇春已親
自馳往勦辦翼貫一股千餘人竄至兩當太陽寺地方有副將何
占鰲等在彼勦捕吳抓抓一股千餘人楊芳卽日帶兵前往截勦
見又有旨飭催賽冲阿等由川迎擊著長齡迅速飭知各路領兵
大員督率所帶官兵分頭痛勦窮追如某人勦某股之賊此一
股即責成該員一手辦淨不可得一勝仗棄而之他致勦敗之賊又
裹成一夥長齡係總統大員居中調度察看何處兵單卽將辦淨
一股之勝兵飭令前往協助○己卯諭和世泰等奏本月十九日
祈穀壇大祀前期詣 壇齋宿豫備禮輿一摺向來恭遇 南

郊大祀朕前一日詣壇例皆乘輦上年冬至乘紅桿八人轎係

特減損儀文虔申告祭茲該衙門因昇輦旗尉尚未嫻習請乘禮輿試思詣壇乘輦載在儀注典禮攸關向來出宮進壇兩班

本用旗尉惟中間換班沿用民尉上年定議全用旗尉得旨已將兩月何以尚未教演嫻熟顯係因循怠玩藉詞支飾所有鑾儀衛堂官除長慶甫自軍營回京無庸議外和世泰孟住德克進及該管章京等俱著交部議處朕此次詣壇姑乘禮輿見距常雲

之期尚有數月著該衙門將昇輦旗尉勸加教演屆期毋得再因循貽誤致干嚴懲不能恕矣○庚辰諭軍機大臣等長齡前任河南巡撫逆犯李文成等本皆該省民人私與林清勾結往來約期造反長齡職任封圻毫無覺察上年將伊簡任烏魯木齊都統離任未久豫省逆賊旋即起事究其蓄謀年月正仕長齡任內厥罪

與溫承惠等未加懲處並因那彥成督兵豫省一時乏人將伊簡放陝甘總督伊甫抵任南山亂民滋事非伊之咎但伊積愆甚重此時帶兵勦賊正當奮身自贖目下征兵雲集足敷調度如果於一月內剋期蕆事不但寬免前罪仍當懋加獎賞若辦理延玩則二罪並罰朱勳久任陝西藩司擢任巡撫南山距省甚近飢民乏食滋事該撫不能先事豫防迫焚掠肆擾又未能立時勦辦意存招撫其所派招賊之人旋經被賊戕害辦理種種不妥亦與溫承惠長齡無異姑令戴罪自贖著將應需軍火糧餉實力經理不准糜費如果糧餉無誤防堵嚴密俾征兵得以迅速竣事尚可貰其前罪若怠玩貽誤不能寬貸矣至楊遇春謀勇素著因陝西亂民滋事又派令帶領吉林黑龍江勁兵馳往會勦該提督協同長齡等鼓勵將士一鼓蕩平賊事後仍再加以賞以獎勵勞將此

各傳諭知之○壬午諭上年冬閒據陝西巡撫朱勳奏稱岐山縣三才峽地方有飢民聚衆滋事之案查係萬五爲首該逆等因木商停止工作無處傭工輒敢糾人焚掠不法已極當派長齡楊遇春前往督辦本冊據長齡等奏稱萬五股匪經吳廷剛帶兵連次追勦殲獲匪黨多名該逆窮蹙奔潰由太白老林竄入盤屋山內長齡復派副將達凌阿參將丁永安帶兵協勦於山內設伏以待該逆竄出寬溝伏兵槍箭齊發該逆身帶槍傷經眼目縣役江貴認明擒獲餘匪勦除淨盡等語萬五一犯乘機倡亂實爲首惡茲經官兵臨陣生擒餘黨悉數殄除一月以內均係吳廷剛奮力追勦不予以暇該逆無路奔逃故得迅速成擒吳廷剛者加恩交部照軍功例從優議敘達凌阿丁永安探蹤設伏能將首逆生致實屬奮勉達凌阿著加恩賞加總兵銜丁永安著加恩賞加副將銜

仍交部照軍功例從優議敘其縣役江貴賞給八品頂帶入伍以

外委卽補以示獎勵○以戴均元爲吏部右侍郎吳敬爲河東河

道總督

由吏部右侍郎遷

○癸未以許兆椿爲刑部左侍郎慶保爲貴州

巡撫調常格爲江蘇布政使福昂爲浙江布政使以常發祥爲貴

州布政使調陳若霖爲四川按察使以嚴煊爲湖北按察使

由甘肅

州道

○命自立春以後定擬逆犯情節次重者量從輕減○甲申

諭軍機大臣等長齡等奏洋縣竄匪踰淺過江分別督辦一摺此

股竄渡漢江之賊同日據賽冲阿奏到該將軍行抵沔縣因聞該

匪等渡江竄至八寶臺卽移兵洋縣先辦此股竄匪其沔縣黑河

之賊已派甯羌遊擊林向榮帶領甯羌陽平弁兵五百名在彼堵

勦已降旨令賽冲阿督同楊芳祝廷彪先將渡江之賊勦捕完竣

再移兵會勦他股並令多隆武督率桂涵羅思舉嚴防黑河之賊

南竄其麻大旗一股賊匪人數不少著楊遇春迅速追勦並就近督辦竄近徽縣零匪至盤屋峪內尤九陳四股匪著長齡督率吳廷剛等趕緊辦竣此次賊衆多係山內匪徒其意總欲四出亂竄分我兵力總當定注成股之賊痛勦窮追使其無裹脅之暇無掠食之資方能迅速掃除長齡等務勉力速辦勿稍遲延○丁亥諭軍機大臣等蘇楞額奏嚴禁海洋私運一摺據稱近年以來夷商賄通洋行商人藉護回夷兵盤費爲名每年將內地銀兩偷運出洋至百數十萬之多該夷商已將內地足色銀兩私運出洋復將低潮洋錢運進任意欺蒙商賈以致內地銀兩漸形短絀請旨飭禁等語夷商交易原令彼此以貨物相準俾中外通易有無以便民用若將內地銀兩每年偷運出洋百數十萬歲積月累於國計民生均有關係著蔣攸銑祥紹查明每歲夷商等偷運足行銀兩

出洋實有若干應如何酌定章程嚴密禁止會同妥議具奏○戊子諭本日那彥成來京復命並陳自滑縣凱撤經過直隸山東沿途地方民情極爲甯謐上年河南滑濬等縣逆匪滋事特命那彥成由陝甘馳赴豫省授以欽差大臣關防總統師干經朕疊加訓飭那彥成感奮自效連奏克捷兇渠受首逆黨悉除辦理迅速完善那彥成克副委任深堪嘉獎伊係阿桂之孫亦由平日習聞祖訓勉紹家聲故能宣力效猷懋膺爵賞茲追念舊勳著於本月二十九日在阿桂墓次賜奠一壇著禮恩前往奠酒用示朕眷舊酬庸恩意○己丑諭軍機大臣等長齡等奏勦淨麻大旗等股匪寶隴肅清其尤九陳四一股經吳廷剛等追至甯陝地方冒雪進攻殲擒七百餘名並生擒僞元帥尹朝貴等嗣賊匪分起東竄又經參將張起鰲勦斃三百餘人賊勢已就衰敗惟此股餘匪見復迷

至鎮南甯陝交界地方該處路通楚豫亟須併力攔截長齡已派馬元帶兵一千名赴陝州一帶截勦尙恐兵力不敷見在後起凱撤官兵二千名過陝著卽交長齡截留協勦長齡並可於此內酌撥數百名飭知帶兵將領就近取道趕赴馬元一路幫同堵截卽將竄匪就地勦盡勿令竄近豫境爲要再楊遇春見已將麻大旗等一股賊匪辦竣其吳抓抓龔貴股匪竄至沔縣黑河一帶滋擾賽冲阿移兵洋縣以後僅派遊擊林向榮帶兵五百名堵遏兵力太單恐該匪等四處裹脅人數漸增楊遇春由寶隴一帶前赴沔縣甚近著卽帶領勝兵探明吳抓抓龔貴二逆見在屯聚何處卽星馳趕赴先將此股賊匪悉數勦除勿令旁竄○庚寅諭軍機大臣等本日據賽冲阿奏稱該將軍追勦渡江竄匪於本月十九日追至木竹壩地方適遇該匪由老漁壩竄至該將軍親身督戰將

賊首楊榮肇獲殲賊匪五百餘名其後隊苗小一所帶綠號匪衆千餘竄回漢江北岸該將軍仍帶兵緊躡等語此時漢江以南已就肅清川北可以無虞此股折回江北之賊賽沖阿乘勝追勦當亦不難辦淨惟吳抓抓龔貴等股匪前據奏稱在黑河沔縣一帶游奕楊遇春勦淨麻大旗二股之後已飭令移兵前往日內曾否趕上痛勦不致竄散又吳廷剛所勦尤九陳四一股昨據奏稱逃往甯陝鎮安一帶馬元帶兵攔勦曾否截回均爲垂 著長齡等迅卽具奏再本日賽沖阿奏到賊匪楊榮供內據稱該匪等起事之初分成五號黃號係偽總兵段姓紅號係楊二劉濫子綠號係苗小一尤九藍號係偽總兵黃姓該匪係青號頭目並據供稱綠號尤九因擄掠婦女被苗小一將伊殺斃等語此五股賊匪除紅號楊二於殺首之後赴賊營招降被殺青號楊榮此次擒獲正

法綠號苗小一見經賽冲阿追勦外其餘黃號段姓見在洋縣河北岸藍號黃姓見竄往五郎山紅號劉濫子見在何處竄逸是否卽在沔縣黑河及甯陝等處賊股之內抑另自分竄他往又綠號尤九一犯旣據供稱已被苗小一殺斃何以該督等摺內俱稱尤九與陳四一股在盤屋山內奔竄是否尤九實未被殺賊供難信抑與陳四奔竄者並非尤九均著查明先行覆奏○壬辰以成書爲泰甯鎮總兵官轉果齊斯歡爲兵部左侍郎調普恭爲兵部右侍郎轉禧恩爲理藩院左侍郎以那彥保爲理藩院右侍郎

由副都統

遷

二月甲午 上御經筵○丁酉長齡奏生擒首逆陳四並尹朝貴零匪全數殄滅得旨獎賚下部議敘賞總兵官祝廷彪吳廷剛提督銜○壬寅諭向來雲南土貢例進銅鑪浙江歲進嘉鑪湖鏡兩

淮最進銅火盆相沿已久歷年所積宮中存貯者甚多朕愛惜物力思以有用之銅斤度之無用之地殊爲虛擲見在錢局官銅未爲豐裕若省此耗費俾廣爲流通於鼓鑄不爲無益著傳諭該督撫鹽政此數項銅器嗣後均無庸呈進則鑄造少而地寶胥歸利用矣○以殲斃逆首苗小一功封賽冲阿二等男爵賞雙眼花翎

○以哈甯阿爲內閣學士

由太常寺卿遷

○癸卯諭軍機大臣等長齡等

奏勦滅吳抓抓股匪並將首逆吳抓抓吳奇殲斃一摺見在各股賊匪次第掃除惟賸有張占鰲小股七百餘人由沔縣旁竄譚貴亦在內楊芳等已乘勝追勦諒可卽日辦竣其翼股匪竄入黑河老林賊夥不過八九百人若任平地不難一戰殄除今老林內灌木叢雜兵力不能施展長齡楊遇春各派總兵特依順保副將何占鰲分帶弁兵步行入林搽剿該匪等困獸猶鬪潛伏叢莽之

中若乘官兵不備戕害將士卽兵丁稍有傷損已屬不值若得力將弁更當慎重保全此等殘敗之賊卽譚貴翼貴等均不須按名生擒但將首夥殲斃卽可竣事與其冒險搽林不如用火焚燒或槍礮轟擊乘其竄出時扼要堵截聚而殲旃較爲妥善長齡等相機辦理勿遲滯亦勿冒昧○丙午諭軍機大臣等松筠等奏駁飭霍罕來使見已傾心感服一摺該夷可回霍罕後如果愛瑪爾遵奉飭駁不敢再請則已如再來瀆請卽當諭以爾霍罕部落不過邊外小夷天朝准令來往貿易以屬格外恩施今爾敢爲無厭之請試思天朝之人豈無在爾處貿易者若在爾境內添設官員稽查稅務向無此例天朝尙不肯爲越境之事爾何得妄行生心欲於天朝境內違例妄爲此後爾若不恭順小心遵守法度卽當通飭各卡倫不准爾處之人前來貿易如此嚴切曉諭愛瑪爾自不

敢再行妄請松筠見已由喀什噶爾起身即將此旨傳知恩長等遵照妥辦○庚戌諭禮部奏請定宗室王福晉以下奉恩將軍恭人以上已故嫡室追封典例一摺向例外藩王公嫡室已故准與繼室一同請封即內外官員嫡繼正室例准並給封典本禮經婦從夫爵之義何以宗室王福晉以下奉恩將軍恭人以上已故嫡室轉例無請封明文自係從前遺漏所有宗室王公以下奉恩將軍以上其嫡室已故未經請封者俱准其呈請追封該衙門即纂入例冊永遠遵行○辛亥諭軍機大臣等長齡等奏生擒首逆龔貴餘匪勦除淨盡並張占鰲股匪經楊芳等追勦殄除所辦甚好見在各路成股賊匪俱已辦完惟譚貴傳老八龍正光喜兒劉濫子余姓數犯未經就獲該匪等竄匿山林若不迅速殲除恐又裹脅爲患長齡等派兵分別密捕務須按名辦竣勿留遺孽長齡等